

# ZITRONE

- Strophe      Mit dir schliesst sech der Kreis  
                 mi Strategie verseit  
                 mis Rächebuech wird weich  
                 wird wässrig und verbleicht
- du hesch i mine stiu Wasser  
                 e Arschbombe glandet  
                 i tue so aus hätti gluuret  
                 doch bi abgchüeut und versuuret
- Refrain      du hesch genau mini  
                 stiu Wasser breicht  
                 i stah zitronig da  
                 du bisch genau das woni nid ha
- wöue du bisch aus woni ha träumt  
                 iz muesi Tonic ha  
                 chüeu und suur wine Zitrone on the Rocks
- Heisse Sirup uf Zitrone on the Rocks  
                 Heisse Sirup uf Zitrone on the Rocks  
                 los wi si knacke  
                 Heisse Sirup
- Strophe      I bine Bärge gsi u ha chli gspieglet  
                 es isch aues guet wis isch  
                 steu paar Blueme ufe Tisch
- Solang s hie ruhig blibt bruuche mir gad niemer  
                 när bisch cho z flüge cho  
                 wie du mir igfahre bisch
- Refrain      du hesch genau mini  
                 stiu Wasser breicht  
                 i stah zitronig da  
                 du bisch genau das woni nid ha
- wöue du bisch aus woni ha träumt  
                 iz muesi Tonic ha  
                 chüeu und suur wine Zitrone on the Rocks
- Heisse Sirup uf Zitrone on the Rocks  
                 Heisse Sirup uf Zitrone on the Rocks  
                 los wi si knacke  
                 Heisse Sirup
- Bridge      i ha mi grad so liecht verboge  
                 uf mini lisbröcke gleit  
                 u das ja nüt passiert  
                 no es Papierschirmli gsteut

vo mir het niemer öppis wöue  
's zfriede gfunge so  
iz Rüere aui a mir ume  
sit du zu mir bisch cho

Refrain

du hesch genau mini  
stiue Wasser breicht  
i stah zitronig da  
du bisch genau das woni nid ha

wöue du bisch aus woni ha träumt  
iz muesi Tonic ha  
chüeu und suur wine Zitrone on the Rocks

Hook

dis Zimmer isch allei nid vou  
seit si so meinigsvou  
zäme teilt me z Glück aber i wär  
zfriede mit me Teilerfoug

und du chunsch eifach so  
wine Summertroum  
du schiessisch Steine vou gemein  
i mini Comfort Zone

tue nid so gheimnisvou  
mis Iis wird weich dervo  
troue mi nid und weiss es ou  
i bi ne feigi so...

immer es bitzli weis nid so  
mir no ke Meinig bout  
bi gärn i Hingergrund gsteut  
mit mire Stimm uf stumm

# KARUSSELL

Strophe

Ig hane plastischi Wunde und e Finger dinne  
im ne tiefe dunkle Tunnu gseh mis Chinderzimmer  
es läbe lang dran gschaft zum nes Mittu finge  
ha glehrt am beschte drücksch mit em Mittufinger

mir rede stundelangi Gspräch wo ke Sinn ergäbe  
und di Zile töif dinn vo däm Sinn vom Läbe  
und när ke Sinn erläbe  
wi söui das beschribe?  
was söui dichte und wi viu söui übertribe?

wi söui i fänds im fau ok i hätt es anders Läbe  
i weiss nid wasi no anders chönnti anders säge  
i wett gärn anders danke  
mi i der Nacht ertränke  
mi putz-hudu-müed ir Gass über d Lampe hänke

i wirde anders und das geit mer nid i Gring  
da isch immer no ne Ganggu wo meint är sig es Ching  
wott füre luege wis de angere geit  
beröie Zile woni anders ha gmeint

Refrain

üsü Nächt-Lang-Gschichte hei üs d Tage erheut  
i bereue dassi dir nid no meh Frage ha gsteut  
mir hei lang no nid aues verzeit  
üs gfunge bis üs wieder sone Gablig het trennt

und du kennsch dä Momänt und es isch plötzlech scho z änd  
i ha so Angscht dassi vilech mini Zyt chönnt verschwände  
bi wie dä Giu wo vorem Karussell steit  
und eifach nid weiss  
und eifach nid weiss

Hook

i gloub iz gani o!  
- iz ritteni mau  
iz gani o!  
- iz ritteni mau  
im Galopp  
- iz ritteni mau  
iz gani o!  
- iz ritteni da mau dä Pony!

Strophe

i gseh mi wieder ufem Rummuplatz mit Zuckerwatte  
vor de dräiende Figure uf mis Glück am warte  
ändlos di Kolonne, Rössli Hung u Bäre  
wi hätti denn söue gseh, dass die nur Runde dräie?

gseh mi hüt aber derzue no aus e junge Vatter  
i de dräiende Wuche uf mis Glück am warte  
es isch eifach z gliiche, nur d Figure wächsle  
vilech no chli ufmerksamer chunnt es Donnerwätter

aber ja es spiut e Roue wo der Finger zeigt  
wüus denn i di Richtig geit und wüus so witer geit  
u zit vergeit u mer nid verzeit  
weni ewig i däm Loch druf warte bis der Wind mi treit

Bridge und da isch immer no dä Giu wo steit  
und luegt und luegt und luegt  
und plötzlech weiss  
- iz ritte i da mau dä Pony!  
und da isch immer no dä Giu wo steit  
und plötzlech sones Grinse treit und weiss  
i gloub iz gani  
- i gloub iz gani  
i gloub iz gani  
- i gloub iz gani o!

Refrain üsi Nächt-Lang-Gschichte hei üs d Tage erheut  
i bereue dassi dir nid no meh Frage ha gsteut  
mir hei lang no nid aues verzeit  
üs gfunge bis üs wieder sone Gablig het trennt

und du kennsch dä Momänt und es isch plötzlech scho z änd  
i ha so Angscht dassi vilech mini Zyt chönnt verschwände  
bi wie dä giu wo vorem Karussell steit  
und eifach nid weiss  
und eifach nid weiss

Hook i gloub iz gani o!  
has gar nid gloubt  
- iz ritteni mau  
i gloub iz gani o!  
iz gani o  
- iz ritteni mau  
i gloub iz gani o  
- iz ritteni mau  
has gar nid gloubt  
- iz ritteni mau  
i gloub iz gani o  
- iz ritteni da mau dä Pony  
has gar nid gloubt  
- iz ritteni da mau dä Pony

# PANTA RHEI

Strophe

Wini weni woni glacht ha  
woni sone heisse Stärn  
usgmacht ha  
los bi mit me breite Smile  
wohäre weiss doch nid  
um gnau das geits doch hie

da isch viles woni gmacht ha  
viles wo isch abverheit  
so vii Plän wo  
när si iz Wasser gheit  
was bringt das mir?  
hör uf das bringts doch nid!

i gloub es läbe mues e Basston ha  
lueg e Gaston a  
woni vii z lang  
nume ime Carton ha  
la zeichnet si  
i gloub är zeichnet mi

lug duss schreie au nachem Gwinn nachem nächste  
aber google dehei nachem Sinn wone fäut  
mir chöme aus Ching uf di Wäut  
ig rassel bling i di Wäut dri

Refrain

weli Tage Goud hei  
weli graue Ton weis  
keine gnau  
chum pantarhei das mau

weli Farbe morn de  
d Sunne wieder vortreit  
weni gah  
nüt blibt uf ewig da

Strophe

du weisch dass i weiss  
dasch e Reis  
u mes pantarheit  
u mes nie erreicht  
oder wenn denn  
weiss mes ja no nid  
weiss mes ja no nid  
heiss und erfougrüch  
weiss es doch ou nid

git das e Krise?  
heisst das e fiesi Misere  
und aus wird mies  
und nur schlächt und

Krise und Pächsträhn  
say cheese zum ne wächsle

der Grosswind bringt neu Zyt  
vilech nimmt er di mit oder bringt der vo wit  
här leitet irgend e Change i  
heisst nur me weiss nid  
besser chönts ou si  
weiss das isch crazy

Refrain weli Tage Goud hei  
weli graue Ton weis  
keine gnau  
chum pantarhei das mau

weli Farbe morn de  
d Sunne wieder vortreit  
weni gah  
nüt blibt uf ewig da

Bridge hie sueche au nachme Haut nachme Trick vom ne Gott  
e verlässlechi Dosis vo "Kid du bisch top!"  
gester im Flow und es clickt und es poppt  
dür d Wäng Schädu dick wine Bock

duss schreie au wüu der Gwinn ging no fäut  
aber bing dehei e Verbindig zum Nächste  
mir chöme aus Ching i di Wäut dri  
auso bring mer die Fäutli

Refrain weli Tage Goud hei  
weli graue Ton weis  
keine gnau  
chum pantarhei das mau

weli Farbe morn de  
d Sunne wieder vortreit  
weni gah  
nüt blibt uf ewig da

# LIEBER ÖPPER ANGERS

- Strophe
- Die chauti Luft im Schatteloch  
dunkli Täaler füre mi zu dir  
me seit du chöntisch id Zuekunft gseh  
i ha so viu Frage da für di
- o wenn d Tannewipfle Liecht empfö  
gar nid e so cheibe wit vo mir  
hie ischs immer dunkler worde  
we öppis nid gad hie isch gsehnis nid
- und du du chasch doch Zuekunft gseh  
hie mini Verzwüiflig brucht di rat  
wie lutet mini frag?
- Refrain
- i wett lieber öpper angers si  
öpper angers hätt hie vilech iz no freud  
und lieber wetti angers si  
vilech öpper, wo nid so schnäu bereut
- und i wett lieber öpper angers si  
aus a mir schint düster u so chaut  
da isch nüt meh wo mer gfaut
- Strophe
- der Mässerspitz im Ougelid  
riss mi öpper us däm chaute Bach  
da si zerfätzti Tier am Strasserand  
schlaflos di Biuder Nacht für Nacht
- du i dere Burg wo uf em Feusband trohnt  
vor Aabesunne wunderschön bestreut  
wunderschön und unerreichbar  
ha äue wieder irgendöppis träumt
- Refrain
- he du chasch doch id Zuekunft gseh  
me seit du heigsch scho Chriegie prophezeit  
lug i gseh keni Zuekunft meh  
i bruuche dringend irgendöpper wo mers zeigt
- o du chasch doch id Zuekunft gseh  
los mini Verzwüiflig suecht di rat  
wüu ohni Glück erratis nid  
auso säg mr wie lutet mini Frag?
- Hook
- wi mini frag i d Zuekunft geit  
i ha mer aus scho überleit  
wie lutet d Frag und wie si geit  
und was du mir zu au däm seisch

# ORAKEL SKIT

Strophe

Hola hola holy Renee  
säg was mache mer mit dene?  
mir wärde überrennt  
jedi Gen  
het e Buechstabe  
wo d Bedütig kenä kennt

aber jedi rennt zu dir mit dere Frag  
wi me sich i der Lag  
dür die Wäut düreschlat  
du luegschse a nimmsch e Zug vo däm Gas  
u när schreisch u när tanzisch  
di id Ekstase

u mir stöh nächär da wi gchrüzlet  
und probiere au die Zeiche z düte  
während du di eifach schüttlich  
wie chönt das morn wärde  
und was heisst das hüt iz?

vilech düte mir i auem e Bedütig  
geng am Scheidewäg und a der Chrüzig  
vilech luege mir uf Gester wäg Morn  
oder luege mir vilech einisch  
gschider uf was hüt isch?

vilech gseh mir ehner weni  
i däm riese Remmi Demmi  
gseh nur weni wonis denn  
wes mir würd bruuche en Idee git  
zu was heisst das aus?  
oh was heisst das aus?

Hook

u chönte mir übermorn  
vo dene gierige Monster  
dä Schirm übernahm  
u ne dir übergäh  
säg geit denn aus?

Strophe

hätte mir när sone Glück des wär nid ir Ornig  
und e Angst uf üs drückt dass üs d Zit dervorinnt  
wüssti nüm wo sich bedanke das ligt üs no nid  
im ne land wo die Miuch fließt u Bitterhonig

vilech hei mer di no nie verstange  
u dis Gschrei seit nur es isch e Jammer  
u d Wäut wird regiirt vo Ulknudle  
wo zu Monster si worde wüu unknudlet



Refrain

u chönnte mir übermorn unger Nemesis Zorn  
im ne riesige Sturm  
dä Schirm überneh  
u ne dir übergeh  
säg geit denn aus?

chönte mir mau vo vor  
steu der das einisch vor  
e neui Wäut erfinge  
säg würdi das glinge?  
säg würd das ga?

und wo vö mer a?  
wüu vo vor wär ja da

und wieso nid?  
und wieso nid?  
singt sie high vom Gas  
das weiss ig o nid

# NIMM WAS DE GLOUBSCH

- Strophe
- Nimm das wo de gloubsch u häb das fescht  
zersch e Wirtschaftskrise när chunt d Pescht  
zersch chunt z Frässe när d Morau nach Brecht  
denn nimm das wo de gloubsch und häb das fescht
- wirds schwierig chrüüche si us ihrne Löcher  
cho eifachi Lösige verspräche  
si nenne sech Experte u sogar Dökter  
wo aune angre Dökter widerspräche
- mir aui müesse dür dä düschter Waud  
und gseh gad nüm wo düre aus isch grau  
u plötzlech steit dert sone Märit-Stand  
mit knaubunte Frücht gäg di Verstand
- Refrain
- denn nimm das wo de gloubsch u häb das fescht  
wüu geng wes schwierig wird de chunt der Tescht  
Haubwahrheite spreade wine Pescht  
mir funktioniere angers unger Stress
- denn nimm das wo de gloubsch u häb das fescht  
nimm das wo de gloubsch u häb das fescht
- Strophe
- wüu eigentlech isch eifach aus ganz eifach  
wi d Wäut u d Gseuschaft louft isch nid so eifach  
we sech en auerwäuts Erklärig breitmacht  
de ischs äue eifach irgendwie chli z eifach
- wenn öpper nur erklärt u nie tuet Frage steue  
de het di ganzi sach scho mau e Haage  
bim verzeue isch das Risiko dass aus nur nachegaaget  
und dä irgendwie verlore z hingerfrage het
- warum i das so säge trotz beängstigende  
Verschwörige mit sehr brunne Tendänze  
das cha mi no so wit a Rand vor Ärde drücke  
jede Mönsch isch inne guet das gloubi würklech
- Refrain
- und i nime wasi gloub und häb das fescht  
wüu geng wes schwierig wird de chunt der Tescht  
Haubwahrheite spreade wine Pescht  
mir funktioniere angers unger Stress
- denn nimm das wo de gloubsch u häb das fescht  
e Dschungu us millione Manifescht  
az Guete gloube das isch üse Tescht  
az Schlächte gloube das isch üsi Pescht
- nimm das wo de gloubsch und häb das fescht  
nimm das wo de gloubsch und häb das fescht  
nimm das wo de gloubsch und häb das fescht

# BENYO

- Strophe      Der Summer leit sech langsam  
                  und i weiss nid warum  
                  är bringt es anders Liecht  
                  derbi wär aus grad guet
- aus Trätte wird geng chürzer  
                  und der Vogugsang verstummt  
                  chöntsch du wenigstens blibe  
                  chum gib üs none Stung
- i mir sammlet sech Schwärmuet  
                  i suges uf wine Schwamm  
                  und peitsche mi hie sinnlos  
                  dür dä chläbrig Schlamm  
                  dür di schwarzi Suppe
- Refrain      derbi wetti no viu länger mit dir  
                  zwüschem Seegras düre touche  
                  und üs ufwärme am Fүүr  
                  wo sech spieglet i de Ouge
- wet no länger mit dir tanze  
                  und en Ort sueche ar Gränze  
                  u dört üsi Zyt ga pflanze  
                  dass si üs e Schatte spändet
- dass mir üs chöi häre lege  
                  im Wüsse das aus hei mir nomau  
                  dass mir üs chöi häre lege  
                  im Wüsse das aus guet isch  
                  isch normau
- Strophe      der Winter macht sech breit  
                  ig erstarre ab mine Fähler  
                  leit di chaute Finger z ungerst  
                  i di dunkle Täler
- und dört hockt iz mi Sinn  
                  besser gseit dört steckt er fescht  
                  i gspüre dass si chöme  
                  ghöre z Knacke i de Äst
- Refrain      derbi wetti no viu länger mit dir  
                  zwüschem Seegras düre touche  
                  und üs ufwärme am Fүүr  
                  wo sech spieglet i de Ouge
- wet no länger mit dir tanze  
                  und en Ort sueche ar Gränze  
                  u dört üsi Zyt ga pflanze  
                  dass si üs e Schatte spändet

dass mir üs chöi häre lege  
im Wüsse das aus hei mir nomau  
dass mir üs chöi häre lege  
im Wüsse das aus guet isch  
isch normau

Bridge i mir sammlet sech d Angst  
dassi di chönti verlüüre  
oder i plötzlech nüm fähig bi  
irgendöppis z fühlle

oder di nüm gspüre  
u derbi

Refrain derbi wetti no viu länger mit dir  
zwüschem Seegras düre touche  
und üs ufwärme am Ffür  
wo sech spieglet i de Ouge

wet no länger mit dir tanze  
und en Ort sueche ar Gränze  
u dört üsi Zyt ga pflanze  
dass si üs e Schatte spändet

dass mir üs chöi häre lege  
im Wüsse das aus hei mir nomau  
dass mir üs chöi häre lege  
im Wüsse das aus guet isch  
isch normau

dass mir üs chöi häre lege  
im Wüsse das aus hei mir nomau

oh im Wüsse  
das aus guet isch  
das isch normau  
u mir chönte das nomau

# BLUETLÄÄRE MOND

Intro            Mini Finger gspüre lisli dini Haar di weichi Hut  
                  dini Lippe starre mi so a dini Ouge schreie lut  
                  d Finger tanze - u der Puls schlat grossi Wäue  
                  u z dunkle In setzt us - um üs wird aues häuer

                  und am Ändi vo däm Tunnu  
                  luege mir id Morgesunne  
                  dini Hut lüüchtet lebändig  
                  mir hei zäme use gfunge

Refrain            mir heis nüm gloubt  
                  iz si da Plän  
                  hüt sammle mir das Siuber  
                  fahre use mit däm Kahn

                  der Wind formt di Blätter  
                  zum gigantische Flüguschlag  
                  d Sunne macht es Guud  
                  wo üs fasch der Atem roubt

                  Spinne üs e Gschicht  
                  lö die Geier scho la kreise  
                  gseh ne Tiger i dim Gsicht  
                  setze z Sägu und verreise

                  stüüre use us der Ängi  
                  luege de Monster grad i Schlund  
                  gä üs d Hang und schnuufe muetig richtig  
                  bluetlääre Mond

Strophe            es het müesse cho wis isch  
                  si hei gfiiret i bi gstange  
                  mis Liecht isch eifach us  
                  u nümme meh isch gange

                  und die Schuuterchlopfer  
                  wo mi früecher ständig hei begrabscht  
                  plötzlech isch da niemer meh  
                  au hei e riese Boge gmacht

                  und so si d Nächt für mi e Tunnu  
                  haute die Lääri fasch nid us  
                  i gseh scho Monster  
                  u di suge mini letzte Tropfe us!

Refrain            i has säuber nümme gloubt  
                  iz si da stouzi nöii Plän  
                  hüt Morge sammle mir das Siuber  
                  fahre use mit däm Kahn

der Wind formt di Blätter  
zum gigantische Flüguschlag  
d Sunne macht es Guud  
wo üs fasch der Atem roubt

Spinne üs e neuui Gschicht  
lö die Geier scho la kreise  
gseh ne Tiger i dim Gsicht  
setze z Sägu und verreise

stüüre use us der Ängi  
luege de Monster grad i Schlund  
gä üs d Hang und schnuufe muetig richtig  
bluetlääre Mond

Strophe      du hesch der nie richtig verzeiht  
und wirschs vermuetlech o nid chönne  
ire läärmondige Nacht  
wo der Papa eifach gange

doch die Geister, wo nächtelang hei gstritte  
si der blibe  
hei mit de Finger uf di zeigt  
di geng tiefer abe tribe

wines Mahnmal i dir  
da schlummret ging e dunkle Fläck  
düre Tag lächlich ne wäg  
doch de Geister ghöre d Nächt

und egau wi viu hesch gä  
du bisch sicher gsi es längt nid  
du hesch di z hingerscht häre gsteut  
für ja niemerem im Wäg z si

und so si d Nächt für di e Tunnu  
wüu denn Geister di ufsueche  
mit em Finger uf di zeige  
u d Wäng no strite - flueche

und am Ändi vo däm Tunnu  
luege mir id Morgesunne  
us üsem Bett wachset es Sägu  
ringsum si d Wäng aui verschwunde

Refrain      mir hei scho nümme a üs gloubt  
iz si da stouzi nöii Plän  
hüt Morge sammle mir das Siuber  
fahre use mit däm Kahn

der Wind formt di Blätter  
zum gigantische Flüguschlag  
d Sunne macht es Guud  
wo üs fasch der Atem roubt

Spinne üs e neuui Gschicht  
lö die Geier scho la kreise  
gseh ne Tiger i dim Gsicht  
setze z Sägu und verreise

stüüre use us der Ängi  
luege de Monster grad i Schlund  
gä üs d Hang und schnuufe muetig richtig  
bluetlääre Mond

# HÄTTI WÄRI WETTI

Intro

Nimm des  
mach des  
träg des  
flick des  
bring des  
hou des  
präg ders  
gib ders

schrib ders hinger z Ohr  
vergiss es  
sorg der vor und  
gang ga schaffe  
schaffe herter  
witer mache  
sorg di nid  
du muesch mau lache

tues uf d Site  
lueg iz füre  
mach ke Pouse  
zieh ne düre  
fing di nächsti  
chance u packse

desch iz wichtig  
nid verkacke  
witer mache

Strophe

i weiss was dir iz dänket  
«ah dä hets ize breicht!»  
und ja i gibes zueh  
i ha verdammt no mau verseit

wieder stahni da  
i däm himmublaue Chleid  
u warte dass di Wuuche de mau  
mini Nummere mir azeigt

und i ha so vii Sache gseit  
woni später ha bereut  
und i has so vii mau wiedergchöit  
ey Mann e Chue hätt da no Freud

geng weni da obe bi  
de faut mer wieder i  
wieni wöue wärde hätti  
wäri wetti si



Refrain        s isch immer so  
                  dass i da no  
                  dass i da no nid aus ha gha

                  und irgendwo  
                  giz immer no  
                  immer no es anders mau

                  lähne mi a dä Haubmond  
                  gäu mir hei nur haub so gstraut?

                  und singt dä Chor  
                  «s geit wieder los»  
                  läbi so aus wäris z einzig mau

Interlude      wieni wöue wärde hätti  
                  wäri wetti si  
                  geng we i da obe bi  
                  de faut mer wieder i

                  wieni wöue wärde hätti  
                  wäri wetti si  
                  bevor i fertig bi

Strophe        i ha scho z erschte mau ke Zit gha  
                  nume Bure, Chriege, Hunger  
                  bim zwöite mau verdammt no mau  
                  nur bsoffe vo der Sunne

                  bim dritte trättet z Schicksau frueh  
                  ha nur no a däm gnaggt  
                  bim vierte drü mau Jammer  
                  zwöi Bezieige verjagt

Refrain        s isch immer so  
                  dass i da no  
                  dass i da no nid aus ha gha

                  und irgendwo  
                  giz immer no  
                  immer no es anders mau

                  lähne mi a dä Haubmond  
                  gäu mir hei nur haub so gstraut?

                  und singt dä Chor  
                  «s geit wieder los»  
                  läbi so aus wäris z einzig mau

Outro

wieni wöue wärde hätti  
wäri wetti si  
geng we i da obe bi  
de faut mer wieder i

wieni wöue wärde hätti  
wäri wetti si  
geng we i da unger  
nume haub bi fertig gsi

# ROSA RACH

Strophe      Samet weich leit sech ähnet de Bärge  
                 e wisse und warme Schnee  
                 warm wüus Änneli chaut het ums Härze  
                 Träneli falle nüm meh

                 samet weich leit des Peterli bhuetsam  
                 e warme Lyb i Schnee  
                 warm wüus Änneli churzem dervor no het  
                 gjammeret gschluchzet u gfleht

                 samet weich leit sech ähnet de Bärge  
                 e dicke näblige Schlund  
                 schlückt aues fröhleche Läbe im Dorf  
                 sini Gschichte u z Tal verstummt

                 aber z Bärbeli  
                 het aus gseh  
                 und gschickt wines isch  
                 blibt es stiu

                 und wartet ufe rächt Momänt  
                 ir Nacht startet ihres Spiu

Strophe      iischig chaut leit das Bärbeli es  
                 rosanigs Mänteli schleieret Gsicht  
                 drückt am Peterli d Klinge im Schlaf  
                 hinterrücks bis äs erschlicht

                 drückt die Klinge is schlafende Härz  
                 bis das sündige Läbe erlischt

# HUUCH VO ZOUBER

Strophe	<p>I chume hei es schmöckt fantastisch si steit ir Chuchi hüt mau klassisch</p> <p>und di Chlini frest desume uf ihrem Houzross het ghört i chume</p> <p>verzeit mer fröhlech vom däm Tag im Schnee mit rote Backe het e Kutsche gseh</p> <p>e Kuss für d Mama es brönne Cherze si schnätzlet öppis am warme Herd</p> <p>und summt verträumt e Melodie der Tee isch nache u setzt grad i</p> <p>au ir Wohnig e Huuch vo Zouber so unbeschwärt u mir träne d Ouge</p> <p>i leg mi Täsche der Mantu ab und vorem Spiegu lueg i mi a</p> <p>u z Spiegu-Ig lächlet zrugg wird plötzlech ärnster und i verchlüpfe</p> <p>är luegt mi a rot u wüetig risst z Muu wit uf</p>
Chorus	<p>du bisch geschter im ne himmuleide Schuppe ufem Sofa umegläge Sie het sech uf dir Schoss umegräklet mit de Hundeouge gspiut - u du erläge sie git ihres Bei - und du gad z ganze Läbe</p>

du hesch Shit ine glah - und Shit vo der gäh  
Sazerac und Mule gibts zue du heschs nüm zäme  
da si nur Fätze, da si nur Bitze  
uf de Chnöi i dere Schissi dir no meh inepfiffe

überau u ständig mit dim Gäud umegschosse  
u wäge däm hesch gmeint du sigsch der Boss  
u när die Meitschi - ja lug se a u  
steu der nur einisch vor s wäri dini Tochter

Strophe

da ligt der Papa  
e isch ne würklech  
si hei das Tuech glüpft  
der Schmärz erdrückt mi

vore z Outo  
nur no Trümmer  
z Chindersitzli  
erkennt me nümme

ghöre nüt meh  
aus wie Watte ob-  
woui schreie und  
die Beamte

wo mir verzeue  
vo so Substanze  
doch s cha nid si  
'sch e junge Vatter

di grossi Liebi  
was söu us üs iz  
wie geit das witer  
was blibt üs übrig

nur dä Umschlag  
wo si hei gfunge  
di Chlini häbt ne  
äng umschlunge

und luegt mi a  
plötzlech grimmig  
risst ihres Muu uf  
e Mannestimm

Chorus

är isch wieder im ne himmuleide Schuppe ufem Sofa umegläge  
sie het sech uf sir Schoss umegräklet  
är git sech völlig dene Hundeouge häre  
sie het chli Bei gä - är sis Läbe

Shit ine glah - u Shit vo sech gäh  
Sazerac u Speed gliichzitig u zäme  
bis d Ouge hohli Löcher si  
uf de Chnöi zieht er no meh Schissi dri

schreit: i bi hie der boss!  
i bi hie der Chief!  
dami bi der Gröschd u mi Cash isch dr Bewies!

i bi scheusslech  
i bins Drama  
es huere Monster  
lueg mi a mann!

nur Fassade  
e lääri Hüue  
ja lueg mi a mann  
ja lueg mi a mann

lueg mir i d Ouge  
cha eifach nümme  
wott hie nümme  
nur no touche

# GENERAL VELOFISCH

feat. Traktorkestar

Strophe        Hesch du das Summe iz grad ghört?  
                  dasch vom ne Fisch  
                  und gsehsch di Hummle dört?  
                  lug mir iz Gsicht!

                  die cha eigentlech nid flüge  
                  aber sie flügt gliich  
                  du meinsch dass ohni sie nid chasch  
                  derbi isch das doch der Bewies!

                  iz stahni einsam ufem Platz  
                  und bi lonely what the fuck  
                  mis Voguhüsi aka mis Härz es hätt no Platz  
                  i ha z Härz am rächte Fläck  
                  u dä bringi nümme wäg  
                  und das ligt aus alei a dir  
                  dass i z viu Katergold ha gläckt!

                  A DIR ALLEI!  
                  A DIR ALLEI!

Refrain        du hesch immer gseit  
                  e Frou ohni e Maa  
                  sig wine Fisch ohni es Velo  
                  iz stahni ohni Velo da

                  der Generau het immer gseit  
                  dass d Hummle lut der Formle vor  
                  Physik nid chönti flüge  
                  sie machs nur us überzügig

                  iz ischer furchtbar inspiriert  
                  was das üs aus chönt bedüte  
                  obwoui zimlech überzügt bi  
                  dass die Formle vou für nüt isch

                  i ha am Fisch Velos versänkt  
                  die wo am beschte touche  
                  i wott nume no zu dir  
                  zu dine Chatzeouge

                  ZU DIR ALLEI!  
                  ZU DIR ALLEI!

Strophe

dini katergoldig Ouge  
woni gseh dür mini Linse  
woni choche ir heisse Pfanne  
und im Dampf da ghöri Stimme

di seit "tschou i heisse Pfanne  
was bisch du de für ne Socke?"  
ja es stimmt i ghöre Stimme  
und ja si chöi chli mitbestimme

eini schreit  
spring du Hund!  
eini weiss  
nimms wis chunt  
eini seit  
mit Vernuft  
wenn se liebsch  
hets e Grund

es git Strit  
ghöre gar nüm  
was söu ig?  
wie geit d Planig?  
söui vou dri  
oder gar nid?  
au si hässig  
ig ir Panik

Refrain

du hesch immer gseit  
e Frou ohni e Maa  
sig wine Fisch ohni es Velo  
doch genau das isches ja!

ohni Velo chani ou  
doch ohni di chani nid  
was dä Arsch mit sire Formle  
mir wott säge isch mer gliich!

i versänke au die Göpple  
i pedale i der Sauce  
animiere und verzwiifle  
und i schwümme und i stosse

u da im Dunkle wird mer klar  
wott nid Flüge, wott nid Touche  
i wott eifach nur zu dir  
zu dine Chatzeouge

ZU DIR ALLEI!  
ZU DIR ALLEI!  
ZU DIR ALLEI!  
ZU DIR ALLEI!  
ZU DIR ALLEI!  
ZU DIR ALLEI!



Refrain

i liege Summer lang bi dir  
und ha das Summe no i mir  
weiss no immer es het gstumme  
das vor Hummle cha nid si

u plötzlech schwäbi liecht ir Luft  
u mi Schädu faht a brumme  
schreie heiter über d Wäuder  
"der Fisch het z Velo gfunge!"

aui Stimme stimme zue  
der Generau git ändlech Rüh  
me cha das eh nid gnau berächne  
wo me z Härz söu häre tue

für euch het das nüt Wärt  
für mi bedütets d Wäut  
für mi ischs Katergold  
für mi allei

MIT DIR ALLEI!

# DEEPPFAKE

Intro            Sie het gschlückt  
                  läär gschlückt  
                  är het sech bückt  
                  u schwär glüpft  
                  u mir heis gwüsst  
                  was zersch dünkt  
                  isch nid so hübsch

                  isch sehr dünn  
                  u ersch wenns  
                  denn einisch lehrsch  
                  wenns einisch chersch  
                  denn kennsch d Tücke

                  zersch weisch nüt  
                  nur dass es sehr schnäu tüscht

Refrain           vilech e Deepfake, Deepfake  
                  Deepfake, Deepfake  
                  vilech e Deepfake, Deepfake  
                  vilech e Deepfake, Deepfake

Strophe          ja mir geits nume nid beschisse  
                  wüus angerne gliich geit  
                  matsche z Hirni eifach zue  
                  mit dene Schiss-Games

                  houptsach s fluetet gründlech  
                  studiere zermürbt mi, doch  
                  wi chas si das ig uf 10  
                  u dä uf 1'000 Pünkt isch?  
                  di zahle tatsächlech für dä Scheiss  
                  di huere Yuppies!

                  nüt me hie isch lustig  
                  aues huere Yuppies!

                  iz lachter sicher gschisse  
                  i sis tüüre Smartphone  
                  i sim 1. Klass Abteil  
                  das huere Arschoug

                  ja lach du nur du Pfiffe  
                  du wirsch irgendwann begriffe  
                  dass di nid überau im Läbe  
                  mit dim Gäud chasch dürebschisse!

                  u wini iz grad gseh  
                  di Username erinnere a  
                  Jönu us der Vierte  
                  woni Turnschueh ha verschwinde lah

ja denn hesch geng so ta  
aus wärsch mit üs gäg das System  
und iz lueg di doch a  
machs der uf dim Arsch bequem

plötzlech si si gliich nid schlächt  
di neuliberale Ideene  
iz wos grad so wohlig  
i der' Wäut mit aune Theme

so schöngfärbti Wuuche  
für dä giirig Egoismus  
dä sehr schwär Vorhang  
äng um z geistige Latärndli

i ghör di Jönu!  
nei i finge das darfme nid säge!  
und nei i verstah di nid!  
und nei i bi dergäge!

i chum di de cho bsueche  
i dire Neubousidlig im Grüene  
faus i nid erschosse wirde  
vom Erkennigssystem ar türe

z neue Private-Guard 4  
das mit em krasse Algoritmus  
wo i 2 Sekunde entscheidet  
obi Fründ oder Fe...

Strophe

der Jönu luegt grad uf  
tuet sis Phone wäg, luegt ob duss isch  
sone Knau und är fragt  
ob das e Schuss isch

zersch redt er sech i  
dass es sicher nur e Fuchs isch  
aber vilech besser luege  
fingt o d Partnerin ir Chuchi

doch duss am Isetor  
stöh si beidi so wi gfre  
da ligt eine tot am Bode  
eifach tot am Bode!

är bückt sech zunim abe  
u da cherts ihm der Mage  
dasch doch der Giuse us der 4.  
sone armi Made!

i has gwüsst es isch e schlächti Idee  
mit däm System  
warum hami la überstimme  
warum hani mi nid gwehrt?

dä het sicher wöue cho  
zum säge s tüeg im leid  
derbi hani das mit de Turnschueh  
scho lang verzeiht!

und sie het gseit Jönu, Schatz  
du chasch doch nüt derfür  
mir müesse füre luege, säg  
was mache mer mit ihm?

sie het gschlückt  
läär gschlückt  
är het sech bückt  
und schwär glüpft

doch de Private-Guard 4  
hei si de gliich gseit  
das System sig äue  
nonid suber igsteut

doch die hei gseit: das chönn nid si  
das erkenn di Fiinheite  
und wennis gliich tüüschi

Refrain

de sigs e Deepfake, Deepfake  
Deepfake, Deepfake  
de sigs e Deepfake, Deepfake  
vilech e Deepfake, Deepfake

# NÜT

- Strophe
- I bi der Niemer, i bi der Nüt  
i bi würtlech wichtig  
wüu nüt isch würtlech wichtig
- hie isch aues, aus für mi  
wüu aues isch für nüt  
und nüt, das bi ja ig
- und dänk nid, dass i mau gah  
i bi hie für immer  
nüt isch für immer da
- wenn si frage, was machsch du da?  
säg nid eifach "nüt"  
figg mi nid blöd a
- Chorus
- und wie ig so bi worde  
das chani euch erkläre  
i bi mau öpper angers gsi  
i ha mau öppis gsuecht  
und gufnde gha
- Strophe
- sogar der Urknau chunnt usem Nüt  
auso eigentlech nid würtlech  
iz wirds kompliziert
- vo däm verstahni eigentlech aus  
i has quasi erfunge  
i bi dä gsi wo het knaut
- dir suechet Sinn dir suechet Haut  
aber finget när nur mi  
u fraget "isch das aus?"
- Chorus
- wie ig so bi worde  
das chani euch erkläre  
denn woni ihre gseit ha  
dass sie mir aus bedütet  
und ig aus für si Gä würd  
dass di mis Universum  
und ig für sie für immer  
wett si was sie vo mir wöug  
da hett sie mi lang agluegt
- und gseit für mi  
bisch du nüt
- und was us üs chönnt wärde  
isch nüt